




Komuna Vushtri



KRM "Uniteti" Sh.a – Mitrovicë

MARRËVESHJE
Ndërmjet
KOMUNËS SË VUSHTRISË
dhe
KOMPANISË REGJIONALE TË MBETURINAVE "UNITETI" SH.A MITROVICË

Në kuadër të Grantit Komunal të Performancës - Mjedisi i Pastër, që bashkë-financohet nga Qeveria e Kosovës, Bashkimi Evropian dhe Qeveria Gjermane, dhe mbështetet nga Deutsche Gesellschaft für Internationale Zusammenarbeit (GIZ), Komuna është përfutuese e mbështetjes financiare që ka për qëllim ngritjen e kapaciteteve në ofrimin e shërbimeve për menaxhim të mbeturinave.

Në kuadër të kësaj mbështetje financiare dhe me qëllim të rritjes së efikasitetit dhe cilësisë së ofrimit të shërbimeve komunale për grumbullim dhe transportim të mbeturinave janë prokuruar asetet e specifikuar në nenin 2 të kësaj Marrëveshje.

Në mbështetje të nenit 12, nenit 14 dhe nenit 17 të Ligjit Nr. 03/L-040 për Vetëqeverisen Lokale, bazuar në nenin 15 të Ligjit Nr. 04/L-060 për Mbeturina, si dhe në përputhje me kushtet e kontratës për ofrim të shërbimeve për grumbullim dhe transportim të mbeturinave ndërmjet palëve:

PALËT:

- Komuna e Vushtrisë, e përfaqësuar nga Kryetari i Komunës z. **Ferit Idrizi** (tutje 'Komuna), dhe
- Kompania Publike Regjionale për Mbeturina e përfaqësuar nga Kryeshefi Ekzekutiv z. **Gazmend Morina** (tutje 'Kompania Publike'),

lidhin këtë:

MARRËVESHJE
PËR DHËNIEN NË SHFRYTËZIM TË ASETEVE KOMUNALE

Neni 1

Qëllimi

Qëllimi i kësaj marrëveshje është përcaktimi i kushteve për dhënie në shfrytëzim të aseteve komunale Kompanisë Publike. Asetet komunale të prokuruar në kuadër të Grantit të Performancës Mjedisi i Pastër dhe të specifikuar në nenin 2 të kësaj Marrëveshje.

Neni 2
Asetet Komunale

- 2.1. Asetet komunale të specifikuara në pikën 2 të këtij Neni i jepen në shfrytëzim Kompanisë Publike për periudhën kohore në përputhje me kontratën për ofrim të shërbimeve ndërmjet Komunës dhe Kompanisë Publike dhe nenin 5 të kësaj Marrëveshje.
- 2.2. Asetet komunale që janë prokuruar në kuadër të Grantit të Performancës Mjedisi i Pastër përfshijnë:
 - a) 2 Kamion të kapacitetit 8m3

Neni 3
Obligimet e Komunës

- 1.1. Komuna zotohet që me hyrjen në fuqi të kësaj Marrëveshje dhe në përputhje me kornizën ligjore të ndjek të gjitha hapat dhe procedurat e nevojshme që asetet e specifikuara në pikën 2 të kësaj Marrëveshje t'i kalojnë në shfrytëzim Kompanisë Publike.
- 1.2. Komuna zotohet se kjo marrëveshje nuk mund të zbatohet prej, ose të krijoj të drejta për palë të tretë, përpos palëve të specifikuara në këtë Marrëveshje.
- 1.3. Komuna do të zotohet të ofrojë mbështetje të nevojshme administrative Kompanisë Publike në procesin e regjistrimit të aseteve të dorëzuara në shfrytëzim.

Neni 4
Obligimet e Kompanisë Publike

- 4.1. Kompania Publike zotohet të shfrytëzojë dhe menaxhojë përgjegjshëm asetet e dhëna nën shfrytëzim me qëllim të ofrimit të shërbimeve sa më efikase dhe cilësore për grumbullim dhe transport të mbeturinave sipas kushteve të kësaj Marrëveshje dhe kontratës përkatëse për ofrimin të shërbimeve me Komunën.
- 4.2. Kompania Publike ka për obligim që të njoftojë komunën për çdo dëmtim apo aksident i cili mund të ndodhë, respektivisht Sektorin përgjegjës për menaxhimin e mbeturinave i cili do të mbajë shënime dhe monitoroj gjendjen e pronës Komunale
- 4.3. Kompania Publike ka për obligim të bëjë regjistrimin e aseteve (kamionëve) në përputhje me kornizën ligjore përkatëse dhe brenda afatit kohor prej 30 ditëve nga data e marrjes së aseteve në shfrytëzim.
- 4.4. Kompania Publike ka për obligim të kryejë mirëmbajtjen dhe servisimin e rregullt të aseteve komunale të specifikuara në Nenin 2 të kësaj Marrëveshje.
- 4.5. Kompania Publike ka për obligim që nga koha e marrjes në përdorim të aseteve komunale dhe për një periudhë dy (2) vjeçare, mirëmbajtjen dhe servisimin i aseteve ta kryej në kompaninë e autorizur BAAF, ndërsa kostoja mbulohet nga kontrata e blerjes së aseteve me kompaninë FAUN.

Neni 5
Kohëzgjatja

- 5.1. Kjo Marrëveshje lidhet për periudhën kohore nga dita e nënshkrimit deri në përfundim të kontratës së ofrimit të shërbimeve për grumbullim dhe transport të mbeturinave ndërmjet Komunës dhe Kompanisë Publike.
- 5.2. Në rast të shkëputjes së kontratës për ofrim të shërbimeve për grumbullim dhe transport të mbeturinave ndërmjet Komunës dhe Kompanisë Publike, asetet e dhëna në shfrytëzim të përcaktuara në Nenin 2 të kësaj Marrëveshje kalojnë menjëherë nën menaxhim e Komunës. Kompania Publike ka për obligim që asetet t'i kthejë në kushtet të cilat i ka pranuar.

Neni 6
Zgjidhja e mosmarrëveshjes

Palët pajtohen që mosmarrëveshjet eventuale t'i zgjedhin me mirëkuptim para se t'i ndjekin procedurat ligjore përkatëse.

Neni 7
Ndryshim plotësimi i Marrëveshjes

Me pëlqim paraprak të palëve kjo Marrëveshje mund të ndryshohet apo plotësohet


Neni 8
Hyrja në fuqi

Kjo marrëveshje hyn në fuqi 7 ditë pas datës së nënshkrimit.


z. Ferit Idrizi, Kryetar



Data, Vendi


z. Gazmend Morina, Kryeshef Ekzekutiv

Data, Vendi